



Concello de Cangas

Expediente núm.: 4234/2019

Procedemento: PS-19/11 Selección 3 condutores Motobomba 2019

Asunto: Publicación bases proceso selectivo 3 condutores para vehículo motobomba para a brigada municipal de prevención de incendios forestais

PUBLICACIÓN: Aprobadas por resolución de Alcaldía núm. 2019-1234 de 03/08/2019 a convocatoria e as bases do proceso de selección de 3 condutores para vehículo motobomba para a brigada municipal de prevención de incendios forestais dentro do marco do convenio de colaboración suscrito entre a Consellería do medio rural e o Concello de Cangas para a participación na prevención e defensa contra os incendios forestais durante o ano 2019 cofinanciado parcialmente co Fondo Europeo Agrícola de desenvolvemento rural (FEADER) no marco do PDR de Galicia 2014-2020 e que determina a necesidade de manter a operatividade do vehículo motobomba municipal. procédese a súa publicación de acordo co disposto nas mesmas, advertindo que o período de presentación de instancias irá do 06/08/2019 ao 12/08/2019 ambos incluídos:

<<BASES PARA A SELECCIÓN DE 3 CONDUTORES PARA O VEHÍCULO MOTOBOMBA DO SERVIZO DE BRIGADA FORESTAL TEMPORADA 2019.

PRIMEIRA.- OBXECTO, RÉXIME DE CONTRATACIÓN E SISTEMA DE SELECCIÓN.

O obxecto das presentes bases é a selección e posterior contratación de 3 condutores para vehículo motobomba para a brigada municipal de prevención de incendios forestais dentro do marco do convenio de colaboración suscrito entre a Consellería do medio rural e o Concello de Cangas para a participación na prevención e defensa contra os incendios forestais durante o ano 2019 cofinanciado parcialmente co Fondo Europeo Agrícola de desenvolvemento rural (FEADER) no marco do PDR de Galicia 2014-2020 e que determina a necesidade de manter a operatividade do vehículo motobomba municipal.

A contratación será de carácter laboral e temporal , cunha **duración máxima de tres meses** en réxime de xornada completa de luns a domingo cos descansos establecidos na lei, cun salario bruto mensual de 1135,00 € A duración do contrato contarase a partir da data da súa sinatura. A duración do contrato poderá ser reducida por debaixo do máximo indicado para adaptala á do convenio de colaboración.

Efectuada a selección dos/as aspirantes, o Concello de Cangas procederá á súa contratación, utilizando a modalidade de contrato temporal por circunstancias da produción.

Cos aspirantes que tendo superado o proceso selectivo, e pola nota final non acadasen praza, confeccionarase un listado para cubrir as baixas ou renuncias que se puideran producir entre o persoal que si resultase seleccionado, adxudicándose a contratación ao seguinte aspirante en puntuación.

O sistema de selección será o de oposición.

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7A5SDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 1 a 9



Concello de Cangas

SEGUNDA.- PUBLICIDADE DA CONVOCATORIA

As presentes bases estarán expostas ao público, no Taboleiro de Anuncios do Concello (<http://cangas.sedelectronica.gal/board/>) e con carácter complementario na paxina web do concello (<http://cangas.gal/>) durante o prazo sinalado para a presentación de instancias. O Taboleiro de Anuncios Municipal será o medio para dar publicidade a tódalas notificacións dos actos que deriven do proceso selectivo iniciado coas presentes bases.

Durante o período de presentación de instancias poderán presentarse reclamacións fronte as bases. De presentarse reclamacións as bases no período indicado –que non suspenderán o prazo para a remisión de instancias para participar no proceso selectivo- a selección demorarase ata a resolución das mesmas. De ser aceptada ou aceptadas algunha das reclamacións ou suxestións formuladas, abrirase un novo período de presentación de instancias de conformidade coas bases modificadas. Contra a resolución que estime ou desestime as reclamacións ás bases, non caberá recurso ningún, sen prexuízo de poder recorrer tal circunstancia xunto coa resolución que poría fin ao procedemento.

TERCEIRA.- REQUISITOS DOS/AS ASPIRANTES

Para ser admitido/a á realización das probas selectivas os/as aspirantes deberán reunir os seguintes requisitos:

- a) Ter nacionalidade española ou algunha outra que, consonte o disposto no artigo 52 da Lei 2/2015, de Emprego Público de Galicia, permita o acceso ao emprego público.
- b) Estar en posesión do Título de Graduado en ESO ou equivalente (Graduado escolar, FP I,...).
- c) Non ter sido despedido/despida mediante expediente disciplinario de ningunha Administración pública ou dos órganos constitucionais ou estatutarios das comunidades autónomas, nin atoparse na situación de inhabilitación absoluta ou especial para o desempeño de empregos ou cargos públicos por resolución xudicial, cando se trate de acceder a mesma categoría á cal se pertencía. No caso de nacionais doutros estados, non estar inhabilitado ou en situación equivalente, nin ter sido sometido/sometida a sanción disciplinaria ou equivalente que impida no Estado de procedencia o acceso ao emprego público nos termos anteriores.
- d) Ter feitos os dezaseis anos de idade e non exceder da idade máxima de xubilación forzosa.
- e) Posuír as capacidades e aptitudes físicas e psíquicas que sexan necesarias para o desempeño das correspondentes funcións ou tarefas.
- f) Ter ingresada a taxa para participar no proceso selectivo segundo a correspondente ordenanza fiscal.
- g) Estar en posesión do carné C en vigor.

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7ASDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 2 a 9



Concello de Cangas

CUARTA – DEREITOS DE EXAME

Será requisito necesario para poder participar na proba selectiva o aboamento dos dereitos de exame dentro do período previsto para a presentación de instancias. Segundo o establecido na ordenanza fiscal municipal correspondente a cantidade a aboar son **8,52 €.** (**deberá facerse previa obtención da correspondente folla de liquidación na Tesourería do Concello**)

QUINTA.-SOLICITUDES E MODO DE PRESENTACIÓN DESTAS

Os que desexen tomar parte nas probas selectivas deberán facelo constar presentando a instancia dirixida á Alcaldía do Concello de Cangas, que deberá ser entregada no Rexistro de Xeral de Entrada do Concello de Cangas **no prazo de cinco días hábiles a contar dende o día seguinte ao da publicación do anuncio da convocatoria** e en horario de atención ao público. Estas solicitudes **obrigatoriamente deberán presentarse no modelo oficial** coa referencia **PRAZA CONDUCTOR MOTOBOMBA** e incluíndo nome, apelidos, domicilio e enderezo electrónico, a efectos de notificación, e teléfono.

A presentación de solicitudes poderá facerse en calquera das formas establecidas no art. 16.4 da Lei 39/2015, de 1 de outubro, do procedemento administrativo común das Administracións Públicas; as solicitudes que se presenten a través da oficina de correos deberán entregarse en sobre aberto para ser seladas e datadas polo funcionario de Correos antes de seren certificadas.

Caso de que a instancia non se presente directamente no rexistro xeral do concello o/a aspirante deberá remitir por correo electrónico ao enderezo electrónico xuridico@cangas.gal, unha copia da instancia na que figure a data de presentación no rexistro correspondente con anterioridade ao remate do prazo, aos efectos de que poida ser incluída na relación de admitidos/as.

O modelo inclúe a declaración polo que se fai constar expresamente o cumprimento dos requisitos establecidos na base terceira, sen prexuízo de que ao final do proceso selectivo se deba acreditar documentalmente ese cumprimento de acordo co disposto na base novena. Non obstante deberá procederse a esta acreditación en calquera momento anterior se así o esixe o Negociado de Persoal do Concello ou o Tribunal de Selección.

Este modelo incluirá o compromiso de realizar un curso teórico-práctico de formación sobre prevención e defensa contra os incendios forestais de 16 horas que será impartido por persoal competente na materia de acordo co convenio suscrito.

Xunto coa **instancia no modelo oficial** presentarase o **resguardo acreditativo do pagamento das taxas, fotocopia simple do DNI.**

A non presentación de calquera destes documentos será motivo de exclusión.

Aqueles aspirantes que queiran quedar exentos da proba de galego presentarán ademais a documentación que segundo a base relativa a esta proba dá dereito a esta exención.

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJPFDFRZ7ASDDRGM3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 3 a 9



Concello de Cangas

Os aspirantes quedan vinculados aos datos que fixeran constar na súa solicitude, se ben os erros de feito que poidan advertirse poderán subsanarse ou repararse en calquera momento, ben de oficio, ben a instancia de parte.

SEXTA – ADMISIÓN DOS ASPIRANTES

Finalizado o prazo de presentación de instancias, a Presidencia da Corporación aprobará a **lista provisional de admitidos/as e excluídos/as**, especificando, no seu caso, os motivos da exclusión, o que será exposto no Taboleiro de Anuncios deste Concello. Os aspirantes excluídos disporán dun prazo de **3 días hábiles** contados a partir do seguinte ó da publicación para poder emendar, no seu caso o defecto que motivase a exclusión. No suposto de producirse reclamación, ditarase nova resolución estimándoas ou desestimándoas o que se fará público, igualmente no Taboleiro de Anuncios do Concello no prazo de 2 días hábiles do remate do prazo anterior.

O feito de figurar incluído na relación de admitidos non prexulga que se lle recoñeza os interesados a posesión dos requisitos esixidos no proceso selectivo convocado os cales deberán ser xustificadas documentalmente no suposto de que os aspirantes admitidos superen a proba selectiva.

Esta resolución incluírá data, hora e lugar de celebración da proba.

SÉTIMA . TRIBUNAL CUALIFICADOR

O tribunal que xulgará as probas terá por obxecto garantir e supervisar o correcto desenvolvemento do proceso en tódalas súas fases. Estará composto por cinco membros. Non poderá constituírse sen a asistencia como mínimo de tres dos seus membros titulares ou suplentes.

Os membros titulares e suplentes terán igual ou maior titulación ca esixida aos aspirantes á praza convocada, e terán voz e voto.

Os/as membros do tribunal deberán absterse de intervir, comunicándolle á Alcaldía cando concorra neles algunha das circunstancias previstas no artigo 23 da Lei 40/2015 de 1 de outubro de Réxime xurídico do sector público.

Así mesmo, os aspirantes, poderán recusar os membros do Tribunal cando nos mesmos concorra algunha das circunstancias previstas para a abstención de conformidade co establecido no art. 23 e 24 da Lei 40/2015 de 1 de Outubro de Réxime xurídico do sector público.

A composición efectiva do tribunal, será a seguinte:

PRESIDENTE: Fabián Fernandez Gomez.

SECRETARIO: Segundo Lagoa Santos

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7ASDDRGM3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 4 a 9



Concello de Cangas

Vocal 1º: Pablo Cordeiro Rodal

Vocal 2º: Angel Manuel Graña Iglesias

Vocal 3º: Cesáreo Coya Portas

Suplente indistinto: Jaime Fernández Alves

Suplente indistinta: Cristina Padin Martinez

Suplente indistinta: M^a. Mar Núñez Villar

Suplente indistinto: José Luís Coya Otero

Suplente indistinto: José Luís Tievo Soliño

O Tribunal poderá contar coa colaboración dos asesores externos que considere oportunos, que actuarán con voz e sen voto, limitándose a presta-la súa colaboración nas súas especialidades técnicas.

OITAVA.- SISTEMA DE SELECCIÓN, FORMA DE DESENVOLVEMENTO E SISTEMA DE CUALIFICACIÓN

O proceso selectivo realizarase mediante o sistema de oposición que se desenvolverá do seguinte xeito:

No día, hora e lugar que se fará constar na resolución pola que se aprobe o listado provisional de admitidos e excluídos os aspirantes serán convocados para o inicio do proceso selectivo realizando o Tribunal un chamamento único.

A continuación se iniciarán as diferentes fases da selección que serán as seguintes:

PROBA DE RECOÑECIMENTO MÉDICO

De carácter obrigatorio e eliminatorio. Ten por obxecto garantir as condicións de saúde dos aspirantes en relación ao traballo a realizar cumprindo coas obrigas asumidas polo Concello dentro do marco do convenio de colaboración subscrito coa Consellería do medio rural, de tal xeito que só se poderán continuar no proceso selectivo. O resultado do mesmo se cualificará en función do seu resultado como **APTO** ou **NON APTO**, quedando eliminados os que non a superen.

PROBA DE APTITUDE FÍSICA DE ESFORZO:

Os aspirantes que superasen o recoñecemento médico realizarán a continuación unha proba de esforzo co obxecto de comprobar se a persoa aspirante ten unha condición axeitada de saúde e aptitude física, que se desenvolverá no xeito e coas marcas que determine o Tribunal de Selección con carácter previo ao inicio da proba.

Terá carácter obrigatorio e eliminatorio sendo a cualificación da mesma **APTO** ou **NON APTO**, quedando eliminados os que non a superen.

PROBA PRÁCTICA

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7A5SDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 5 a 9



Concello de Cangas

Os aspirantes a condutor que superen as fases anteriores realizarán a continuación unha **proba práctica, de carácter obrigatorio eliminatório**, na que se valorarán a experiencia e correcto manexo e manobras, nas condicións esixidas polo Tribunal do camiión motobomba municipal e accesorios do mesmo, así como as condicións físicas axeitadas dos aspirantes. O Tribunal poderá formular preguntas relativas ao exercicio das funcións como condutor de camiión motobomba. A puntuación máxima na proba práctica será de 98 puntos sendo necesario obter 49 puntos para entender superada a mesma.

PROBA DE COÑECEMENTO DA LINGUA GALEGA

Os aspirantes que teñan superado a proba práctica serán convocados no día, hora e lugar que sinala o Tribunal para a realización dunha proba de coñecemento da lingua galega de carácter non eliminatório que consistirá na tradución castelán-galego e/ou galego-castelán dun texto proposto polo tribunal de non menos de cinco liñas. A proba valorarase de 0 a 2 puntos.

Quedarán exentos da realización deste exercicio os aspirantes que acrediten estar en posesión do Certificado en Lingua Galega – nivel 2 (CELGA 2) ou superior, ou a súa validación, ou a certificación do curso de Lingua Galega de Iniciación. Os aspirantes que acheguen dito certificado se puntuarán con 2 puntos. O certificado será presentado ao Tribunal con antelación á realización da proba.

NOVENA.- CUALIFICACIÓNS E PROPOSTA DE CONTRATACIÓN.

Rematado o proceso de selección o Tribunal determinará a cualificación final do proceso. No suposto de empate na cualificación final de dous ou máis aspirantes, este resolverase, atendendo ao criterio de maior experiencia nas tarefas de extinción de incendios forestais, en cumprimento do criterio de priorización dos candidatos con maior experiencia establecido no convenio suscrito. A tal fin o Tribunal pedira aos candidatos empatados que acrediten a súa experiencia nas tarefas de extinción de incendios forestais mediante a presentación dos contratos de traballo.

De persistir o empate este desfarase por sorteo.

A continuación, o Tribunal fará público o resultado do proceso e elevará ao Órgano de contratación a correspondente proposta de contratación que inclúa os aspirantes propostos para ser contratados e os propostos para integrar o listado de substitucións que estará constituído por aqueles aspirantes que tendo superado a puntuación mínima non obtivesen praza por orde de puntuación.

O Concello de Cangas procederá á contratación temporal dos/as candidatos/as que obtiveran a maior puntuación en función do número de prazas ofertadas especificadas nesta convocatoria.

DECIMA.– INTERPRETACIÓN DAS BASES.

As presentes bases vinculan á Administración Local convocante, ó Tribunal Cualificador e os/as

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJ7DFRZ7A5SDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 6 a 9



Concello de Cangas

aspirantes que participen no proceso.

O Tribunal cualificador queda facultado durante o desenvolvemento do proceso de selección para resolvelas dúbidas e incidencias que plantexen a súa aplicación, podendo adoptar resolucións, criterios e medidas respecto aqueles aspectos non regulados na presente convocatoria e para o bo desenvolvemento do proceso.

UNDÉCIMA. – NORMA FINAL

As presentes bases e cantos actos administrativos deriven das mesmas e das actualizacións do tribunal de selección, poderán ser impugnados nos casos e na forma establecidos pola Lei 39/2015, de 1 de outubro, de procedemento administrativo común das Administracións Públicas e polo disposto nas presentes bases.

Así mesmo a administración municipal poderá, no seu caso, proceder á revisión das resolucións dos tribunais conforme ó previsto na devandita Lei 39/2015, de 1 de outubro, de procedemento administrativo común das Administracións Públicas.

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7ASSDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 7 a 9



Concello de Cangas

ANEXO I

INSTANCIA PARA PARTICIPAR NO PROCESO SELECTIVO PARA CUBRIR AS PRAZAS DE CONDUTOR CAMIÓN MOTOBOMBA PARA O CONCELLO DE CANGAS, ANO 2019.

APELIDOS, NOME:

DNI:

TELÉFONO:

ENDEREZO:

ENDEREZO ELECTRÓNICO:

Solicita ser incluído na relación de aspirantes admitidos no proceso selectivo de 3 CONDUTORES PARA O VEHÍCULO MOTOBOMBA para o ano 2019 convocado polo Concello de Cangas.

Por medio do presente declara que non se atopa incurso/a en ningunha causa de incompatibilidade ou incapacidade que determine a lexislación vixente e que cumpre tódolos os requisitos esixidos na convocatoria (en particular os expostos na base terceira), que conta co carné de conducir esixido na convocatoria e se compromete a mantelo en vigor durante toda a duración do contrato. Igualmente se compromete a realizar o curso teórico-práctico de formación sobre prevención e defensa contra os incendios forestais de 16 horas impartido por persoal competente na materia ao que sexan convocados e declara que non foi separado/a mediante expediente disciplinario do servizo de calquera das administracións públicas, nin atoparse inhabilitado para o exercicio das funcións públicas,

Cangas, de de 2019

Asdo. :

DOCUMENTACIÓN OBRIGATORIA A PRESENTAR XUNTO Á PRESENTE SOLICITUDE:

- (...) A presente instancia, debidamente **coverta e asinada**.
- (...) Fotocopia do D.N.I.
- (...) Xustificante acreditativo do pago das taxas.

DOCUMENTACIÓN OPCIONAL:

- (...) Certificado en Lingua Galega – nivel 2 (CELGA 2) ou superior, ou a súa validación, ou a certificación do curso de Lingua Galega de Iniciación.

ALCALDÍA DO ILMO CONCELLO DE CANGAS>>

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7ASDRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 8 a 9



Concello de Cangas

O que se publica aos efectos oportunos

DOCUMENTO ASINADO DIXITALMENTE

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: AKCSSJP7DFRZ7A55DRGXMD3K | Corrección: <http://cangas.sedelectronica.gal/>
Documento asinado electronicamente desde a plataforma xestiona esPublico | Páxina 9 a 9